



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

In festo S. Basilii Magni.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

ceram infuderit, alteram cum altera per totum commisceat necesse est, sic qui carnem & sanguinem Domini recipit cum ipso ita coniungitur, ut Christus in ipso & ipse in Christo inveniat. Et ut Cyrill. Jerosol. catech. 4. Concorporei & consanguinei Christi efficitur, Christi-feri, hoc est Christum in corporibus nostris ferentes. Volumus sanitatem? Idem Cyrill. Ibid. Non morsem solum, verum etiam morbos omnes depellit hic panis. Sedat membrorum nostrorum sevientem legem, pietatem coroborat, perturbationes animi extinguit, agrotos curat, ab omni nos erigit casu, &c. Ut in aliis lectionibus Breviarii pro hoc festo. Per carnem nos debellabat dæmon, ut patet in Davide, Samson, &c. Carne nostrâ illam Christus debellavit ut Goliathum David proprio gladio, hunc gladium reposerunt in sanctuario 1. Reg. 21. & hanc victoriosam carnem in sanctuario habemus, ad hunc gladium recurrit David in periculo ut est ibid. nos ad hunc panem. Ps. 22. *Parasti in conspectu meo mensam adversus eos qui tribulant me*, hic panis est. *Gladius Gedeonis* Judic. 7.

In Festo S. Basilii Magni.

Satis in laudem hujus sancti dicam, si illum ut appellat totus orbis, Magnum vocabo hic enim titulus non datur nisi valde eminentibus in aliquo. Sic Alexander Magnus, Carolus ob ingentia facta in bellis. Albertus Magnus propter summam Philosophiæ scientiam, sed in explicanda Basilii magnitudine sequar Sanctum ejus Fratrem Greg. Nyssenum, hic neque majora vero audebit dicere, quia dixit coram iis qui Basilium noverant: neque Fratri aliquid de laudibus derogare. Dicit ergo in vita ejus quod fuerit. *Par Moysi, Elie, Joanni Bapt. & Paulo*, & in his fisco.

Par Moysi Basilus quia Moyses ex Ægypto duxit popu-

G 2

popu-

populum præcedente columnâ igneâ: Basilium vidit S. Ephrem esse columnam igneam, nec pauciores duxit quam Moyſes, quia tot millia Monachorum quot orientalis Ecclesia numerat. Ille primus regulam scripsit, statum illum ordinavit. Sæculum SS. PP. comparant Ægypto, unde S. Antonius Magnus sæculares vocabat Ægyptios. Opera eorum ostensa sunt S. Arsenio ut est in vitis PP. lib. 4. Vidit hic Sanctus tres Æthyopes, unus in fascem componebat ligna ut portaret. Et cum experiretur fascem esse gravem, plura apponebat: ita in sæculo difficile divitem intrare in regnum cœlorum, tamen plures apponunt divitias. Combussit hæc ligna columnâ igneâ Basilium per votum paupertatis. Alter infundebat aquam in dolum pertusum quod non impletur, exsiccavit istas aquas Sanctus per votum Castitatis. Tertius inferebat trabem transversam in templum, corripuit per votum obedientiæ. Et hic tria signa prædestinationis seu terræ promissæ. *Beati pauperes, &c. Beati mundo corde. Qui sequitur me non ambulat in tenebris. Bern. declam. Cella terra sancta & locus sanctus est, in qua Dominus & servus ejus sæpe colloquitur. In terra promissionis primum est templum DEO erectum, hoc est in monasteriis Bern. ibid. Sicut templum est Sanctum DEI, sic cella est servi DEI, & in templo enim & in cella Divina tractantur, sed crebrius in cella, in templo visibiliter & figurativè aliquando Christianæ pietatis Sacramentum dispensatur, in cella verò sicut in cœlis, ipsâ veritate, ipso ordine assidue celebratur. Horum omnium caput Basilium ac proinde Magnus.*

Par Eliæ Basilium, resistit Imperatori, Hæretico Eunomio ac si Elias, si DEUS est Baal, &c. Ario, &c. *Verba ejus tanquam facula ardens. Quod de Elia dictum, Greg. lib. 7. epist. 5. Et quid tot & labores proderunt si in unitate fidei inventa non fuerit que ante DEI Omnipotentis oculos in bonis actibus animam præcipue custodit? Hinc enim dicitur, una est columba mea, perfecta mea. Cant. 6. Hinc*

6. Hinc ad Moysen Dominus dicit Exod. 38. *Est locus penes me, & stabis super petram, &c. Est locus apud eum Ecclesiæ S. unitas, in qua super petram statur, dum Confessionis ejus soliditas tenerur. Quid ad hoc schisma? Segregavit Basil. ut Elias Balamitas, Magnus Dux Basil. nemo ante illum.*

Par Joanni Bapt. Vitæ austeritatem consideremus. Greg. Nazianz. in Monachia. *Basilus unicâ tantum tunicâ se amiciebat, humi cubitabat, noctibus totis vigilabat, quotidie jejunabat pane solo contentus, & loco deliciarum sal habebat, aquam continuò potabat. Hic videmus quàm verum sit quod dixit Tertull. ad MM. Nihil erus sentit in nervo id est in equuleo, cum manus in caelo est, totum hominem animus circumfert & quo vult transferre. Ubi cor tuum ibi thesaurus tuus; vocati sumus ad militiam DEI vivi, nemo miles ad bellum cum deliciis venit, nec de cubiculo in aciem procedit. Ita egit Basilus qui à puero vixit sanctè, quid nos? Ambr. 1. de officio. 36. *Moriatur caro nostra ut in ea omnis culpa moriatur, & quasi ex mortuis viventes noctis resurgamus operibus ac moribus. Bene monet Greg. lib. 6. in Reg. cap. 2. Non solum confitenda sunt peccata, sed etiam penitentiæ austeritate delenda. Qui circa salutem suam solliciti sunt, sic delere penitendo magna studeant ut minora plangere non smittant.**

Æqualis Paulo in laboribus. Conciones ejus videtur Apoc. 15. expressisse. *Vidi septem Angelos, &c. Cantantes canticum Moysi, vetus testamentum, & canticum Agni, novum. Acceperunt septem phialas aureas plenas iracundiâ DEI viventis, quas fuderunt super terram. Hæc materia Concionum Basilii, ira DEI, quia concio non debet esse sicut musica, sed sicut tuba, irridet Jer. 48. dum ait. *Dare flores Moab quia florens egredietur. Quia vastabitur ab Assyriis. Oportebat hortari ad poenitentiam non flores dare. Hostis muros quatit, & floribus carpendis occupamur. Quid alii labores Basilii? Isai 1. *Principes tui infideles, Hebr.***

Hebr. legit. *Principes tui pueridi & fatidi ut in pisce primò caput putrescit, post reliquum corpus, &c. Paulus. Castigo corpus meum, &c. Ita Basil. exemplo præibat, Cinis quamdiu jacuit, in Ægypto nihil nocuit, sed quando illum Moyses Exod. 9. in aërem jactando elevavit, velicas in corporibus produxit Ps. 11. In circuitu impii ambulat secundum altitudinem tuam multiplicasti filios hominum Hebr. legit Hieron. In circuitu impii ambulat, cum exaltati fuerint vilissimi filiorum. Id est cinis siccus sine penitentiæ lachrymis, frigidus sine charitate, tunc impii ambulat in circuitu. Greg. lib. 1. epist. 24. *Omni curâ vigilandum est, ne Regor cogitatione sit mundus, operatione præcipuus, discretus in silencio, utilis in verbo, singulis compassione proximus, præ cunctis contemplatione suspensus, bene agentibus per humilitatem socius, contra delinquentium vitia per zelum justitiæ erectus, &c. Qui loci tui necessitate exigitur summa dicere, eadem necessitate compellitur summa monstrare: hinc Isai 40. super montem excelsum ascende qui evangelisâs Sion. Taliter egit Basilus.**

In Nativitate S. Joannis Baptistæ.

Quomodo S. Joannes triennis pervenerit in eremum refert S. Joan. Geometra Græcus in hunc modum, Postquam delusus fuisset Herodes à Magis, furorem vertit in uxorem, filios, & SS. Innocentes, quos mactavit: Christus verò evasit in Ægyptum, Elisabeta etiam cum Joanne abscondit se in eremo, quæ verò ibi acciderunt, magna & ineffabilia sunt atque incomprehensibilia, quapropter Herodes in Zachariam vertit iram, & quia Filium abscondit, & quia B. Virginem jam prægnantem collocaverat in templo inter virgines, asserens esse virginem, & tanquam ita manifestè violantem legem factelliter, occiderunt inter templum & altare, ministrantem DEO &